

## 9 Chrott im Sumpf

T./M.: Felix Gisler 10.2013

Das isch d'Gschicht vu dr Chrott,  
wo us-em Sumpfland uusä wott. (2x)

Was bruucht si da drzuä?  
Fir's Erschti äs paar guäti Schuä. (2x)

Wenn ds Wätter würd' umschlaa,  
de muäss si Gwand zum wächslä ha. (2x)

Und Reiseproviant  
isch wichtig, das isch ja bekannt. (2x)

Ä Klappstuäl und ä Tisch,  
will ds Ässä so bequemer isch. (2x)

Si bruucht äs Liegebett,  
wenn si sich churz erhoolä wett. (2x)

Ä Färnseh-Apparat,  
will's ooni der ja nimmä gaat. (2x)

Äs Internet-Portal,  
isch für nä so-ni Reis normal. (2x)

Für d'Nacht da bruucht's äs Zält,  
me reist nit eifach so i'd Wält. (2x)

Bevor diä Chrott cha ga,  
muäss si ä grossä Koffer ha. (2x)

Da faat ds Problem scho a:  
De cha mä hiä im Sumpf nit ha. (2x)

Ja, wenn's der hiä nit gitt,  
so blyyb ich da und reisä nit... (2x)